

سنگی در سعادت ایچون مجیدیه
بکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

فکر دیکم

آبونه اولق ایستینلر دائره عدلیه ده
اداره مخصوصه سنه مراجعت
ایتملدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه متعلقدر

تَبْلِغَات

ساقزده تشکل ایدوب مدتک اقتضاسی حسبیه
فسخ ایدلمش اولان دیو آدلی نام بحری سیغورطه
شرکتی علیه پول جزای تقدیمی اولق اوزره آلتش
سکزر بیک کسور غروشک تحصیلی حقنده محکمه
تمیز هیئت عمومیه سندن اعطا قلنان قرارک اخیراً
شرکت مذکوره مقامنه قائم اولق اوزره تشکیل
قلنش اولان له دوسور شرکتنه تبلیغ ایدلمک
ایستلدریکندن و بویسه موافق اصول اوله میه جغندن
نافعه نظارت جلیله سنه اشعار کیفیتله آله حق جوابه
قدر معامله تبلیغیه نک تأخیری مذکور شرکت وکیل
جانبندن استدعا قلندیغندن بحثله استفسار معامله یی
متضمن جزایر بحر سفید ولایتی استیناف محکمه سی
مدعی عمومیلکنندن وارد اولان تحریرانه ، مذکور
شرکت مدیری طرفندن ویریلان استدعا ده واقعا لغو
ایدیلان شرکت نظامنامه داخلینده عتیق شرکتک کافه
حقوق و تعهداتی مجدداً تشکل ایده جک شرکت انتقال
ایده جکی محرر ایدیلده شرکت جدید نک حین
تشکلنده نافعه نظارتنده متشکل قومیسون مخصوص
جانبندن بو ماده تعدیل ایدیلدرک نظامنامه به درج
ایدیلان ماده مذبله موجبجه عتیق شرکتک یالکز
حقوقی انتقال ایده جکندن بحثله حصه دارانک وقایه
حقوقی استرحام اولنش ایسه ده نظارت مشارالیهانک
اولباده کی تذکره سنه ایضاح و بیان اولندی و جهله
بر عقدک اجرا سنه آندن منبعث حقوق و فوائدی
عاقبینه راجع اولدینی حالده تعهداتی دخی انتقال
ایتمی طبیعی و ضمناً داخل بولنان بر شیک عدم
ذکری ماهیت قانونیه یی تغییر ایده میه جکی بدیهی
اولدینی کی نظامنامه داخلینک ذیلده فسخ ایدلیکی
بیان اولنان بحری سیغورطه شرکتک عنوانی عین
معنای متضمن اولق اوزره روحه دن فرانسزجه به
تحویل ایدلمش اولسنه مبنی دیو آدلی عنوانی آلتنده
بولنان منفسخ شرکتک پول جزای تقدیسندن طولانی
محکوم اولدینی مبنی آنک یرینه قائم اولان له دوسور

شرکتک تأدیه ایتمی لازم کله جکندن مدیر مومی -
الیهک سالف الذکر استدعاسی مندرجاتی موافق نفس
الامر اولمافله اولوجهله ایفای معامله اولنسی لازم
کله جکی انجمن عدلیه افاده سیله ذکر اولنان مدعی
عمومیلکه جواباً تبلیغ اولنمشدر .

مستنطق طرفندن ویریلان موقت ویا غیر موقت
توقیف امرینک استردادینه قرار ویریله یلمسی اصول
محاکات جزائی قانوننک سکسان طقوزنجی ماده سی
موجبجه مدعی عمومی طرفندن طلب وقوعه وابسته
بولنش ایکن انقره مرکز مستنطقلکنجه نه مدعی -
عمومی ونده مضمون طرفندن برکونه طلب واستدعا
وقوعبولقسزین اسنای تحقیقانه اوراق تحقیقه خود
بخود مدعی عمومیلکه بالتودیع مضمون حقنده ویرلمش
اولان توقیف امرینک استردادینه دائر بیان مطالعه
ایچون اصرار ایدلمکده واحکام قانونیه به قارشو اولان
شو معامله رد اولندی حالد توقیف امرینک استر -
دادینه قرار ویریلوب عندالاعتراض هیئت اتهامیه جه
بو معامله ترویج و تصویب ایدیلدرک مستنطقلره بر صلاحیت
ویرلمکده اولدیغندن بحثله استفسار معامله به دائر انقره
ولایتی استیناف محکمه سی مدعی عمومیلکنندن وقوع
بولان اشعاره ، استناد اولنان ماده قانونیه نک صوک
فقره سنه (توقیف امرینک استردادی علیه اعتراض
جائز دکدر) دیو محرر بولنان عباره قانونیه نک
دالت صریحه سی اقتضاسنجه عدم جوازی کوستریلان
اعتراضک مدعی عمومیلکه شمولندن دخی مستفاد
اولدینی اوزره مستنطق طرفندن توقیف امرینک
استردادینه قرار ویریله بیله جکی کی اشبو قراره مدعی
عمومینک اعتراض ایتمی دخی غیر جائز بولنسنه کوره
مستنطقک معامله مبجوتیه سی موافق قانون بولندی
انجمن عدلیه افاده سیله جواباً مذکور مدعی عمومیلکه
تبلیغ ایدلمشدر .

حقوق دعوالرینه دائر جریان ایدن محاکات
وجاهیه ده اخیراً بر طرفک حاضر بولنه مامسندن طو -
لانی غیاباً اجرای محاکمه سی قرارلشدندن صکره

معذرت مشروعه به مبنی محکمه به کله مریکی آکلا شلمسی
حالنده محاکمه غیابیه به دوام ویا معذرت مشروعه سنک
بالقبول وجاهاً اجرای محاکمه ایدلمسی حقنده بر ماده
قانونیه به تصادف اولنه مدینی بیانیه استفسار معامله یی
متضمن معموره العزیز ولایتی استیناف محکمه سی
مدعی عمومیلکنندن وقوع بولان اشعاره ، محاکم نظا -
میه جه اتخاذ قلنه جق مقرراتک اصولی دائره سنه
فسخ ویا تغییر ایدلمکجه مرعیتنه اعتنا ایدلمک مقتضی
اولسنه و غیابنده رؤیت دعوا به قرار ویریلان طرفک
یوم معینه معذرت مشروعه سندن محکمه یی خبردار
ایتمی قانوناً لازم ه دن ایکن دعوت واقعیه عدم
اجابتله معذرتی بیانه مسارعت ایتماسی حقنده معامله
غیابیه اجراسه محکمه جه قرار اتخاذی موجب
اولمافله اخیراً معذرت مشروعه ادعاسی قرار مذکور دن
رجوعه سبب اوله میه جکی کی اشبو قرارک نتیجه سی
اوله رق غیاباً علیه حکم لاحق اولدینی تقدیرده
دخی حق اعتراضی باقی اوله جغه کوره محکمه جه
اتخاذ اولنان قرار دائره سنه معامله غیابیه اجراسی
لازم کله جکی جوانی انجمن عدلیه افاده سیله مذکور
مدعی عمومیلکه تبلیغ ایدلمشدر .

محاکمات مقدماتی

در سعادت جنابت محکمه سنه

بعض احوال مفسدتکارانه سندن طولانی
آطنیه نفی ایدلیکی حالده اورادن یونانستانه
فرار ایدلیکی ادعاسندن طولانی جنایتله اتهام
ایدلمش واوصاف واشکالی اوراق تحقیقه ده
غیر مضبوط بولنش اولان دلوتیه قضاسی
اهالیسندن یحی اغا چینینک برادری اسماعیل
دردست اولنه مامش اولدیغندن تاریخندن اعتباراً
جانب ریاستدن کندوسنه مجدداً اون کون

مهمل اعطا قلمشدر . مهمل معین ظرفنده کلدیکی حالدہ قانونه اطاعت ایتامش نظریله باقیلهرق حقوق مدنیهدن اسقاط قلتهجنی ومحاكمة غیابییهسی ائشاده اموالی حبز آلتنه آلتنهجنی وبو صروده بر کونه ادعایه حق اولهمیهجنی کبی معامله حیزیه حقنده دخی مدعی عمومیلکه تبلیغات مقتضیه اجرا ایدلدیکی جهته اصول محاکمات جزائیہ قانوننک اوچ یوز یتش برنجی واوچ یوز یتش ایکنجی مادهلری احکامنه توفیقاً اشبو قرارنامه بالتنظیم اعلان اولنور .

حکم غیابی اعطا ایدیلہ بیلک ایچون یوم معینده حاضر بولنهجفنه دائر مدعی علیک امضاسی آلتق ویاخود علی الاصول دعوتیه ورقهسی تبلیغ ایدلک لازم کلیر ایکن محکمهجه بویولده معامله اولنامسی تقض حکمی مستلزم بولندیغنه دائر محکمه تمیز حقوق دائرهسندن صادر اولان ۱۶ اغستوس سنه ۳۱۶ تاریخلی اعلامدر :

بکپازاری قصبه سنک بک تپه محلهسندہ ساکن حاجی عباده افندی زاده مصطفی افندی ایله قصبه مذکورنک عمر زاده محلهسندہ مقیم دیکمانلی طاشچی حسن اوسته پینده متحدث دعوايه دائر بکپازاری بدایت محکمهسندن ۳۰ کانون ثانی سنه ۳۱۵ تاریخیه ویریلان اعلام مومی ایله مصطفی افندی طرفندن تمیز ایدلمکلهاعلام مذکور بالکتر مستدعینک اعتراض لایحهسیله بالمطالعه تدقیقات تمیزیه اجراسنه ابتدار قلندی .

اعلام مذکورک خلاصه مالی مدعی مرقوم حسن اوسته نک بهر آرشونی اوچ غروش اون یارهدن اولوق وختام مدت انشا آه قدر صرف ایدیلہ جک باروت ائمانی بشقهجه تأدیہ اولوق ویایلهجق دیوارلرک عادی طاشدن معمول بولوق اوزره انشاسی درعهده ایدلدیکی بر باب جامع شریفک غروب قبله جهتی دیوارلری اخیراً مدعی علییه مومی ایلیه مصطفی افندی نک موافقتیه خارج از مقاوله یومته طاشدن یاپمسندن طولانی عادی دیواره یومته طاشدن معمول دیوار پیندهکی فرقدن ومقاوله نامهده باروت ائمانی

اولهرق معین اولان اون مجیدیهدن فضله صرفیاتی وقوع بولسندن طولانی من حیث المجموع استحقاق بولسان بیک آلتی یوز غروشی اعطادن مومی ایلیه مصطفی افندی نک امتناع ایدلدیکندن بحثه تخصیاتی طلب ودعوی ومدعی علییه مصطفی افندی دخی اگرچه جامع شریف مذکورک غروب قبله جهتی دیوارلری یومته طاشدن اعمال ایدلش ایسده ذاتاً بولرک یومته طاشله انشاسی پینلرندکی مقاوله ایجابندن بولنسی وباروت ائمانک دخی پینلرندہ اخیراً ایک یچق لیرایه ابلاغ ایدیلہرک مبلغ مذکور یوز دخی مدعینک امریله مال صندوقته تسلیم ایلی حسیله مدعینک بوانده برکونه فضله ادعایه حق اولمادیغنی مدافعه تذکاراتسی واخیراً تعیین قلنان کونده مدعی علییه مومی ایلیک کلامسی اوزرینه وکیل مسخر حضوریه سبق ایدن محاکمه و تدقیقات نتیجهسندہ مبلغ مدعابک مدعی علیک پینده تعلیقاً مدعی علییه مصطفی افندی بالتحصیل مدعی حسن اوسته یاعطاسنه حکمندن ومستدعی تمیزک اشبو حکم علینده اولان لایحهسندہ محرر اعتراضاتنک باشلوجهسی اخیراً تعیین ایدیلان یوم محاکمہدن کندوسی اصلاً خبردار ایدلدیکی حالدہ علییه غیاباً حکم ویرلسی ومدعابه باروت ائمانک ایک یوز الی غروشندن عبارت اولدیغنی میرز مقاوله نامهده مندرج بولدیغنی ومدعینک حضور محکمهده واقع اولان اقراری واستماع ایدیلان شهودک شهاداتی ایله تین ایتدیک حالدہ محکمهجه پینده تعلیقاً سکز یوز غروش فضله حکم ایدلمسی یولسر ومغایر قانون اولدیغندن بحثه اعلامک تقضی استدعاسندن عبارتدر .

ایجابی لدی المذاکره اعلام مذکور مندرجاتندن منفهم اولدیغنی اوزره حکم غیابی ویریلہ بیلک ایچون یوم معینده حاضر بولنهجفنه دائر مدعی علیک امضاسی آلتق ویاخود دعوتیه ورقهسی تبلیغ ایدلک لازم کلور ایکن محکمهجه بویولده معامله اولندیغنه دائر اعلامده برکونه صراحت اولدیغنی کبی مدعی حسن اوسته عرفحالنده باروت ائمانی اولهرق سکز یوز غروش دعوی ایتش ایسده انمای محاکمهده ائمان مذکورنک ایک یچق لیر اولدیغنی سولیش اولسنه نظراً محکمهجه بونک ایچون ایک یچق لیراحکم ایدلمسی واساس مقاولهده کوستریلان اون مجیدیه مذکور ایک یچق لیراده داخلی بوقسه دکلی بوراسی دخی تصریح ایتدیرلسی ایجاب ایدر ایکن محکمهجه بورالرینه تعرض اولمقسزین حکم اولنسی یولسر ومغایر قانون اولدیغندن ومستدعینک اعتراضیده بوجهته متدائر اولهرق شابان قبول کورندیکندن اصول محاکمه حقوقیه قانوننک ایک یوز اوتوز ایکنجی وایکی یوز قرق برنجی مادهلری موجبنجه اعلام مذکورک تقضیه

قانون مذکورک ایک یوز قرق دردنجی مادهسی حکمنه توفیقاً کفیتک صورمشروحه دائرهسندہ یکیدن بالرؤیه اعلامدر بطی ضمنتده محکمه مذکوریه اعاده سنهوزیده مفرداتی مرقم اوچوز اوتوز بریچق غروش مصارف تمیزیه نک ایلاروده حقسز چیقهجق طرفه راجع اولوق اوزره اول امرده مستدعی تمیزدن استیفاسنه ۱۶ اغستوس سنه ۳۱۶ تاریخنده متفقاً قرار ویرلدی .

بدری قوزی اوغلی حسنک قاتلی عثمان بن آخت اوغلتک آمر غیر مجبری اولدیغنی ادعاسیله جنایتله اتهام اولنان محمودک اوچ سنه مدته کورک قولنسنه دائر لازستان سنجانجی بدایت محکمهسی جزا دائره سندن ویریلان ۶۹ نومرولی اعلام محکمه تمیز جزا دائرهسنجه تصدیق ایدلشدر .

مجید اوزی قضاسنک انچه صو قریهسندن نظام اوغلی حسین چاوشه قتل قصدیه تشهیر سلاح ایتسندن دولای جنایتله اتهام اولنان قریه مذکورک اوچ سنه مدته کورک قولنسنه حینک درت سنه مدته کورک قولنسنه دائر اماسیه سنجانجی بدایت محکمهسی جزا دائرهسندن ویریلان ۹۸ نومرولی اعلام محکمه تمیز جزا دائرهسنجه تصدیق اولمشدر .

منلک قضاسنک ستواج قریهسی اهالیسندن یورکی ولد علیکسینک کفیت قتلندن دولای جنایتله متهم اولان قریه مرقومهلی استویان ولد قولونک اون بش سنه مدته کورک قولنسنه دائر سیزو سنجانجی بدایت محکمهسی جزا دائرهسندن ویریلان ۳۰۳ نومرولی اعلام محکمه تمیز جزا دائرهسنجه تصدیق ایدلشدر .

برمدی قضاسنه تابع غوشنویشت قریهلی کاظم بن دانیالک کفیت قتلندن دولای جنایتله متهم اولان قضاء مزبورک قرشوه قریهسی اهالیسندن بهلول بن نعمانک اون بش سنه مدته کورک قولنسنه دائر ارکری سنجانجی بدایت محکمهسی جزا دائره سندن ایکنجی دفعه اولهرق ویریلان ۱۳۷ نومرولی اعلام محکمه تمیز جزا دائرهسنجه تصدیق ایدلشدر .

صندقینک قلندیراس قریه سنده مقیم حاجی مصطفی اوغلی محمد افندی نک خانہسی باصهرق معامله جبرو شدت اجراسیله اشیا وقصراغنی سرفت ایتدکلری ادعا قلمسندن دولای جنایتله اتهام اولنان قریه

مرقومهلی محمد ایله خلیل ابراهیمک اوچر سنه مدته کورک قولنلرینه دائر قره حصار صاحب سنجانجی بدایت محکمهسی جزا دائره سندن ویریلان ۱۰۴ نومرولی اعلام محکمه تمیز جزا دائرهسنجه تصدیق ایدلشدر .

کوملجنه قصبه سنک جامع عتیق محلهسندن قهوهچی قره احمد بن سعد اللهک قتل قصدیه جرح اولمشندن دولای جنایتله اتهام اولنان محله مذکورک اوچ سنه مدته کورک قولنسنه دائر لواء مذکور بدایت محکمهسی جزا دائرهسندن ویریلان ۹۹۰ نو مریولی اعلام محکمه تمیز جزا دائرهسنجه تصدیق اولمشدر .

جمعه قضاسنک قرمشه قریهسندن حلیم اوغلی کرینک کفیت قتلندن دولای جنایتله اتهام اولنان قریه مذکورک عبدالغنیک اون بش سنه مدته کورک قولنسنه دائر سرفیجه سنجانجی بدایت محکمهسی جزا دائرهسندن ویریلان ۲۷۳ نومرولی اعلام محکمه تمیز جزا دائرهسنجه تصدیق اولمشدر .

کوچک چکمجه قضاسی داخلنده آمین دومی چفتلکی داخلنده واقع مرعاده صغرتماج محرمک کفیت قتلندن طولانی متهم اولان اوستریا دولی تبعهسندن لوقه نک قتل مذکورک بالتهور جرأت ایدلدیکی اخبارات واقاری ومعاينه راپوری ایله ثابت اولدیغندن اول صورته قتل فعلنک فاعل ومتهمی اولوق اوزره مجرمیتنه وقانون جزانک یوز یتش دردنجی مادهسنک فقره اولاسنه توفیقاً اون بش سنه مدته کورک قولنسنه محکمه جنایتجه حکم اولمشدر .

قره باش محلهسندہ تکیه زقاغنده ساکن آراهچی حسن بن احمد حقارت ایدن قهوهچی قره کیندن بر آلتون جزای نقدی اخذینه

بارمق قپوده زنجیری خان اوپه باشینسی محمدی ضرب ایدن حال صالح واحد وقاسم وشاکر وموسی وعبداه وخالد و سلیمان و یوسفک برر هفته حبسلرینه قوجه مصطفی پاشا رشیدیہ عسکریهسی اوچنجی صنف طلبه سندن صالح ذکی افندی یی ضرب ایدن داود پاشا قشلهسندہ مستخدم ملازم اول امین افندی دن بر آلتون آلهرق مضروبیه اعطاسنه

فاتحده بلبل خانی اوپه باشینسی توفیق افندی یه اطالہ لسان ایدن عرضخالجی احمد افندی نک اوچ کون حبسنه

اهالینک راحتسی سلب ایدہجک صورتده کورلیی وشانہ ایتدیککی ثابت اولان قزیدهده جابلاق زقاغنده ساکن مرانغوز کرقور ولد بغوص پارسخیانک برهفته حبسنه غلطهده عرب جامع شریفی جادهسندہ ساکن مصطفی افندی نک ساعتی سرقته تصدی ایدلدیکی ادعاسیله مظنون اولان غلطهده دوشمهچی زقاغنده مانیاطینک میخانهسندہ بیتوت ایدن بانی ولد یورکینک اوچ ماه حبسنه

خدمتجیلسی یوسفی ضرب ایدن خبرهخانه خسته خانہسی اطباسندن قول اغامی احمد توفیق افندی دن بر لیرا آلتوب مضروبیه اعطاسنه ومومی ایله توفیق افندی یی ضرب المکلری ادعا قلنان ایاس پاشاده ساکن رضا وحینک زوجہسی امینہ وصفیه نک برر هفته حبسلرینه

قاسم پاشاده قشیلہ میدانده بقال لازارینک دکاندهدسکاهدار قسطنینک یوانه اطالہ لسان ایدلدیکی اکلاشادیغندن بر لیرا جزای نقدی ایله محکومیتنه صالمهطمرق جادهسندہ آشچی قوچو ولداسپیریونی ضرب ایدن صابونچی مولوددن بر آلتون آلهرق مضروبیه اعطاسنه

خواجه پاشاده آشجیار قهوهسندہ بیتوت ایدن منکللی شا کری ضرب ایتدیککی ادعا قلنان بشکطاشده مصرلی زقاغنده مقیم آتینجی یوسف بن محمددن ایک آلتون آلتوب مضروبیه ویرلسه

یکی باغچده ساکن طربزونلی آپوستولی ضرب ایدن عتیق مصطفی پاشا محلهسندہ مقیم قلابچی طربزونلی دیمتریدن بر آلتون آلهرق مضروبیه اعطاسنه یکدیگرکی ضرب ایدن فاتحده ساکن کرک حاملرندن سعردلی حاجی عبدالقادر ایله معونهچی مصطفی بن محمد وارکلیلی محمد بن احمدک برر هفته و ابراهیم ایله اسماعیلک اوزر کون حبسلرینه

قوجه مصطفی پاشاده جانبازیہ محلهسندہ ساکنه خوریه خانی ضرب ایدن کتبهدن حاجی شفیق افندی دن بر آلتون آلتوب مضروبیه اعطاسنه

قونیہلی حسن اغانک اوزون چارشوده سلحدار خاندهکی اوپهسنه لیلأ سرققت قصدیه دخول ایدن حال حسین بن محمدک آلتی آی حبسنه

قیوچی خچاطوره محل ناموس سسوز سوبلیان صراف آغوبک اوشاغی طاشجیان لئوندن بر آلتون جزای نقدی آلتسنه

فرتکللی غارسون نیقولی یی جرح ایدن قائم مقام شکری بکک مخدومی محمد علی افندی دن بر آلتون آلهرق مرقوم نیقولی یه اعطاسنه شورای دولت معاونلرندن عزتلو سلیمان بکک

بر آلتون بیلہزیک ایله بر ایکنهسی سرققت ایدن اوشاغی مرعشلی مصطفی بن عثمانک اون ماه حبسنه واموال مسروقہ نک مومی ایله اعادهسنه

قار پولیس مأمورلرندن اسماعیل افندی یه حقارت ایدن پیری پاشا اسکلهسی صندالچیلرندن طودوربدن بر آلتون جزای نقدی آلتسنه

پولیس مصطفی افندی یه حقارت ایدن عزیز افندی دن بر آلتون جزای نقدی آلتسنه ومومی ایله عزیز افندی یی ضرب ایدن مصطفی افندی نک دخی برهفته حبسنه

روزنک خانہسی جاملری شکست ایدن خدمتکار ابراهیم بن خلیلک بش کون حبسنه ومرقومدر اون بشکک جزای نقدی دخی آلتسنه

قاسم پاشاده ولینک آخورنده بیتوت ایدن بارکیرچی ارضروملی حسن بن محمدک طوخنهده دقردار یقوشنده ساکن ایرانی عیسی بن میرزای جرح ایدلدیکی ثابت اولدیغندن اون بش کون حبسنه معونهچی مصطفی بن حسین یی ضرب ایدن خاصکوبده بوزاخانه اسکله سنده معونهچیلک ایدن حسینک اون بش کون حبسنه

واپور عملهسندن عثمانی ضرب ایدن عرب جامع شریفی محلهسندہ مقیم فس قالبجیلسی حاجی احمددن بر آلتون آلهرق مضروبیه اعطاسنه

نقاش استاوری یی جرح ایدن پاپاس کورپسندہ بالقچی علقونک ایک آی حبسنه

ادرنه قپوسنده ساکنه منور خانی ضرب ایتدیککی ثابت اولان ایوبده وزیر تکیهسی جوارنده مقیمه زیلهلی عایشه قادینک برهفته حبسنه

قاضی قریهسندہ علیکسادی خانده ساکن طاشچی یوانک قره کینی ضرب وجرح ایتدیککی ثابت اولدیغندن اون کون حبسنه

عطیه خانمہ اطالہ لسان ایدن قاضی قریهسندہ ساکن حیدر بکدن یارم مجیدیه آلتونی جزای نقدی اخذینه

سبزہچی واسیلہ اطالہ لسان ایدن قاضی کوبلی صراف استاوری دن بر آلتون جزای نقدی آلتسنه درسعادت، بک اوغلی واسکدار بدایت محکمهلری جزا دائره لرنبه قرار ویرلشدر .

الاعانات

در سعادت جنابت محکمهسندہ :

اطناش مانوله توبه قتل قصدیه تشهیر سلاح ایدلدیکی ادعاسندن طولانی جنایتله اتهام ایدیلان ومقدمه

غاطہدہ خراجی زقاغندہ یکرمی اوچ نومرولی دکانده بقاللق ایدن اورته بویلی الاکوزلی دوز آئینی متناسب اغز وقرال بیق وقاش وصاچلی مدور چهره لی ومطروش چکلی یکرمی بش یاشنده یونانی پاندازی مانولاتو ولد ازاریان دردست اولنه مامش اولدیغندن تاریخدن اعتباراً جانب ریاستدن کندوسنه مجدداً اون کون مهل اعطا قلمشدر . مهل معین ظرفنده کلدیکی حالدہ قانونه اطاعت ایتماش نظریه باقیله رق حقوق مدنیهدن اسقاط قلنه جنی ومحا کمة غیابیہ سی انشاده اموالی حیز آلتہ آنه جنی وبو صرہده برکونه ادعاہ حق اولہ میہ جنی کی معاملہ حیزہ حقندہ دخی مدعی عمومیکہ تبلیغات مقتضیه اجرا ایدلیکی جهتلہ اصول محاکات جزائیہ قانونک اوچوز یتش برنجی واوچوز یتش ایکنجی ماده لری احکامنہ توفیقاً اشبو قرارنامہ بالتظیم اعلان اولنور.

قصداً ایقاع حریق ایتدیکی ادعاسندن طولایی جنایتلہ متهم اولان ومقدما قاضی کویندہ عزیزیه زقاغندہ قالفہ علقونک خانہ سنده بیتوتلہ بوشده کرن اورته بویلی قره کوزلی سیاه صاچ وقاشلی ومدور آئینی اسمر بکزیلی قره بیقلی مطروش چکلی اولوب عن اصل یانیہ ولایتک فیلات قضاسنه مربوط قریل قیا اہالیسندن بوان یکرمی آلتی یاشنده یورکی ولد نیقولہ دردست اولنه مامش اولدیغندن تاریخدن اعتباراً جانب ریاستدن کندوسنه مجدداً اون کون مهل اعطا قلمشدر . مهل معین ظرفنده کلدیکی حالدہ قانونه اطاعت ایتماش نظریه باقیله رق حقوق مدنیهدن اسقاط قلنه جنی ومحا کمة غیابیہ سی انشاده اموالی حیز آلتہ آنه جنی وبو صرہده برکونه ادعاہ حق اولہ میہ جنی کی معاملہ حیزہ حقندہ دخی مدعی عمومیکہ تبلیغات مقتضیه اجرا ایدلیکی جهتلہ اصول محاکات جزائیہ قانونک اوچوز یتش برنجی واوچوز یتش ایکنجی ماده لری احکامنہ توفیقاً اشبو قرارنامہ بالتظیم اعلان اولنور.

تجارت بحریہ محکمہ سندہ :

چیچک بازارندہ فندقلیان خانی آلتندہ قرطاسیہ تجارتیلہ مشغول (خ) باردو (م) اوزیلک ۲۴ تشرین ثانی سنہ ۳۱۷ تاریخندن اعتباراً اعلان افلاسنہ ومصالح افلاسیہ نک رؤیت وتسویہ سی ضمنندہ اعضا ملازمی عزتلو صبری بکک ژور قومیسر ودعوی وکیللرندن عادل وعاکف بکلرک موقت سندیک تعیینلرینہ ومغازہ سیلہ اشیای زائدہ بیتیه سنک تمہیرینہ واوراق ودفاترینک جلبنہ وکفالت ارانہ ایدہ مدکلری حالدہ حبس وتوقفلرینہ وبوبادہ کی قرارک موقتاً اجراسنہ

محکمہ تجارت بحریہ جہ قرار ویرلمش اولدیغندن قانوننامہ تجارتک ۱۷۰ نجی ماده سی موجبجہ دائمی سندیکلر انتخاب اولنق اوزرہ اشبو ۳۱۷ سنہ سی کانون تانیسنک اوتوزنجی چہارشنہ کونی ساعت الی رادہ لرندہ اصحاب مطلوبک محکمہ مذکورہ نک افلاسنہ مخصوص اولان اوطنہ سنہ کللری اعلان اولنور.

ایکنجی محکمہ بخارندہ :

باغیہ قپوسندہ شیرین خانندہ اجرای تجارت ایدر ایکن ایکنجی محکمہ تجارتدن افلاسنہ حکم اولنمش اولان م. خرسیدینک خصوصات افلاسیہ سنک رؤیت وتسویہ سی ضمنندہ دعوی وکیللرندن عاکف بک ایلہ شکیب وزهدی افندیلر اصالة سندیک تعیین قلمش اولدقلرندن مفلس مرقوم ذمتندہ آلاجنی اولانلرک قانوننامہ تجارتک ۱۹۹ و ۲۰۰ نجی ماده لری موجبجہ تحقیق دیون ایچون تاریخ اعلاندن اعتباراً یکرمی برکون ظرفندہ سنداتی محکمہ کاتبہ تسلیم ایللری ومدت مذکورہ ختامندن صکرہ اوچ کوندہ یعنی بیک اوچوز اون یدی سنہ سی شباطنک دردنجی بازار ایرتسی، بشنجی صالی والتنجی چہارشنہ کونلرندہ ایکنجی محکمہ تجارتک افلاس اوطنہ سنہ کلرک سندیک افندیلر مواجہہ سندہ آله جقلری اثبات وقید وتصدیق ایتدیرملری ومدت مذکورہ اثبات وجود ایدہ میان آله جقلولر حقندہ قانون مذکورک ۲۱۰ نجی ماده سنہ توفیقاً معاملہ اولنه جنی اعلان اولنور.

اعمرات شرعیہ اجرا دائرہ سندہ :

متوفی عثمان خیری افندی ورثہ سنک ماریہ قادین ذمتندہ قسمت عسکرہ محکمہ سندن اعطا اولنان برقطعه مقتضا اعلامی موجبجہ آلاجقلری اولان مبالغ معلومہ نک تأمین استیفاسی ضمنندہ مدیونہ مرقومہ نک عہدہ سندہ اولوب دینی مقابلندہ وفاء مفروغ وفروختی محکوم بولنان حطب قپوسی قربندہ صاری تیمور محلہ سندہ کراستہ جیلر جادہ سندہ اوچوز قرق ایکی نومرو ایلہ مرقم برباب وقف کراستہ جی دکانی درونندہ موجود کراستہ کدکنک نصف حصہ شایعہ سی بوندن اول مزایدہ قونیله رق لیرا یوز غروش حسابیلہ ایکی بیک یوز غروش بدل ایلہ طالبی اوزرندہ تقرر ایتش اولدیغندن یوزدہ بش ضملہ بوندن دها زیادہ یہ طالب اولانلرک اشبو تاریخ اعلاندن اعتباراً اوتوز برکون ظرفندہ درسعادت اعلامات شرعیہ اجرا دائرہ سنہ مراجعت ایللری وختام مدتدہ تقرر ایدہ جک بدل ایلہ طالبی اوزرینہ معاملہ

فراغیہ سی اجرا اولنه جنی صوک دفعہ اولہ رق دائرہ مذکورہ دن اعلان اولنور.

درسعادت محکمہ تجارت اجرا دائرہ سندہ :

کرقور قرہ کوزیان افندی نک کوجهیان وروتیک و آروش خانلر ذمتندہ ایکنجی محکمہ تجارت اعلامیلہ محکوم بہ آلاجنی اولان مبالغک تأمین استیفاسی ضمنندہ مومی الیہمانک والدلری متوفاة اقییمی بنت نصیبک عہدہ سندن منتقلاً تصرفلرندہ اولوب مقدما حیز اولنان غاطہدہ یکی جامع محلہ سندہ پنجشنہ پازاری جادہ سندہ کائن ویکدیگرینہ متصل اوتوز بر واوتوز اوچ نومرولر ایلہ مرقم اوچ قات اولہ رق انشا اولان ایدلمش کارگیر ایکی باب مغازہ نک فروختی قرار آلتہ آلتوب اون بش کون صکرہ موقع مزایدہ وضع اولنه جغندن اشتراسنہ طالب اولانلرک ودها زیادہ معلومات آلتی ایستیانلرک محکمہ تجارت اجرا دائرہ سنہ مراجعت ایللری اعلان اولنور.

اسکدار بدایت محکمہ سی اجرا دائرہ سندہ :

وسیلہ خانمک اسکداردہ قپو اغاسی محلہ سندہ ساکن توفیق بکک دامادی امین بک ذمتندہ بااعلام آلاجنی اولان مبالغک تأمین استیفاسی ضمنندہ حیز آلتہ آلتان سکسان طقوز قلم اشیای بیتیه ماہ حال رومینک اون یدنجی پنجشنہ کونی اسکداردہ دیوخیلر محلہ سندہ ساکنہ وسیلہ خانمک خانہ سندہ ساعت بش رادہ لرندہ بالمزایدہ فروخت اولنه جغندن طالب اولانلرک محل مذکورہ عزیزمتلہ مأمور مخصوصنہ مراجعت ایللری اسکدار بدایت محکمہ سی اجرا دائرہ سندن اعلان اولنور.

بکقوز قضاسی بدایت محکمہ سی اجرا دائرہ سندہ :

بکقوز قضاسنہ تابع چپوقلی قریہ سندہ ساکن رفعت پاشا زادہ قول اغاسی سعید بکک کسب قطعیت ایتش اعلام موجبجہ مالہ خزینہ جلیلہ سی کتبہ سندن عزتلو شوقی بکک دینی بولنان مبالغک تأمین استیفاسی ضمنندہ داین مومی الیہ وفاء فراغ ایتش اولدیغی ادرنہ قپوسی جوارندہ اوطاچیلر قربندہ داود اغا محلہ سندہ « اوطاچیلر چاری » دیمکله معروف، بر قطعه چایرک تاریخ اعلاندن اعتباراً اون بش کون صکرہ اجرا قانوننامہ هایونی احکامنہ توفیقاً بالمزایدہ فروخته مبادرت اولنه جنی بکقوز بدایت محکمہ سی اجرا دائرہ سندن اعلان اولنور.